



07132

歷代世界紀事編

龔自珍



歷代世系紀年編

瀆蒙翁端憂多暇日伴稚孫誦讀案有萬年書一冊

孫指而詢之曰是方空纒纒何爲者耶翁告以自古

帝王世次以甲子爲經而紀之以攷古今之年世者

也顧是書專書正統不及分據僭僞因取向所輯紀

元譜僭據之號附註左方以授之而復述爲是編曰

世系凡父子兄弟之世及廟諡諱號之各殊必詳記

歷代世系紀年編序

一翠琅玕館校刊

之不敢略也曰紀年凡建元更號之先後享祚傳世

之延促必序次之不敢紊也其大趣所存要在無意

義可尋文辭可諷者聯綴而比次之其他興亡得失

之關禮樂刑政之大自在蒙之自領焉不敢浮不敢

混多則煩寡則漏也寔質而野毋盪而靡便蒙喻也

齊其句讀協其音韻便蒙讀也夫以翁之樸遯寡學

要亦自飾其陋耳不然如升奄廿一史游戲之詞亦

何其文而辨博而奧哉而或者如柳子所云不易時  
月而咸得從其條貫圭璋琮璜之狀各有列位不失  
其序則吾豈敢雍正十三年歲在乙卯十月旣望瀆  
蒙翁題於養愚地

歷代世系紀年編序

二翠琅玕館校刊

三

歷代世系紀年編

字翁朱筆便覽

國號 ○

姓氏 △

諱 ○

諡 |

廟號

歷代世系紀年編目

一翠琅玕館校刊

年號

年代

年代總數

歲建

世及總數 ○○○○

帝王兄弟臣子母后姓名

歷代世系紀年編

歸安沈炳震東甫撰



西漢

西漢高祖起豐沛

陶唐苗裔其姓劉

始封於蜀國號漢

誅秦滅項定九州

惠文景武昭宣繼

元成哀平孺子適

西漢傳祚十二帝

二百一十四春秋

歷代世系紀年編

一翠琅玕館校刊

新莽篡漢十五載

淮陽稱號歲兩周

附於西漢同載紀

二百三十傳蒙求

高祖諱邦字曰季

五年大定朝羣侯

十有二年開創主

傳子惠帝何優柔

惠帝名盈立七載

母后呂雉垂冕旒

八年臨朝南面立

太宗文帝來并州

帝諱曰恆高庶子

初封代王稱藩侯

二十三年君四海

後元更改史冊曆

太子景帝諱曰啟

文景郅治傳千秋

十六年中元三紀

日中曰後次第求

世宗武帝御諱徹

五十四載臣王侯

建元之號初創始

行之後世遵前謀

光朔狩鼎封五號

各冠元字紀春秋

太初改元用夏正

自此歲序首孟陬

歷代世系紀年編

二翠琅玕館校刊

天漢太始征和繼

終以後元垂鴻休

昭帝弗陵武少子

享國十三英君流

始元元鳳元平號

紀元三易祚不悠

繼體無嗣宣帝立

是為武帝曾孫儔

宣帝之祖戾太子

巫蠱被殺嗟何尤

廟號中宗名曰詢

本始初紀元年猷

地節元康更神爵

五鳳甘露黃龍繆

二十五年七易號

傳祚元帝主金甌

宣之太子嗣是諱

初元永光各五秋

建昭五載竟靈一

合十六年登真遊

嗣位太子成帝鶯

元曰建始河平伴

陽朔鴻嘉永始後

元延綏和七號畱

成帝歷祚二十六

無嗣漢室初貽憂

哀平皆為元帝孫

成之弟子承前麻

歷代世系紀年編

三翠琅玕館校刊

哀帝名欣定陶子

六年短祚臣民愁

建平元壽紀二號

平帝以弟繼大猷

帝為中山王興子

御名曰衍沖齡柔

元年元始僅五載

王莽弑之宗社休

莽立孺子嬰為帝

父顯先封廣戚侯

宣之元孫僅二歲

託言卜相嬰最優

初為居攝改初始

三年乾綱莽獨收



旋復廢之莽篡位

改國曰新真漢讎

莽初紀元始建國

天鳳地皇佳名畱

漢社不紀十五載

漢兵入宮誅其頭

莽之地皇四年夏

淮陽王元起復讎

建元更始僅二載

降於赤眉骨不收

莽為漢賊更始敗

十有六年同贅疣

東漢

歷代世系紀年編

四翠琅玕館校刊

兩漢帝姓皆劉氏

高祖光武分西東

東漢中興首光武

明章和殤安順沖

質與桓靈獻十二

一百九十六而終

光武諱秀字文叔

上溯景帝七世崇

長沙定王發之後

起兵誅莽帝業隆

紀元建武登帝位

後改中元兩號同

開基三十有三載

廟號世祖揚豐功

顯宗明帝(莊)是諱

永平十八相始終

傳子章帝諱曰(炟)

歷年十三號(肅)宗

建初元(和)章和號

和帝諱(肇)繼九重

永元元(興)元兩紀

凡十七年臨臣工

生子(殤)帝僅百日

延平一年諱曰(隆)

無嗣乃立(安)帝(祐)

章帝庶孫年始童

父曰(清河)孝王(慶)

和帝之弟(備)藩封

歷代世系紀年編

五翠琅玕館校刊

繼統初紀(永)初號

元初(永)靈建(光)從

復改延(光)元(五)易

在位十九天祿終

太子曰(保)初被廢

宦官迎立何(倅)儉

是為(順)帝元(永)建

陽嘉(永)和改(重)重

漢安建(康)號亦五

歷祚十九(安)帝同

沖帝諱(炳)生二歲

太后立之居(深)宮

明年正月帝崩逝

永嘉一年名(誠)空

章帝曾孫名曰纘

父為孝王渤海封

改元本初諡為質

半載遇弒梁冀凶

冀復迎立桓帝志

初以蠡吾為侯封

帝祖河間章帝子

帝亦曾孫質帝同

二十七年元七改

建和首號傳寰中

和平元嘉永興繼

永壽延熹永康終

無嗣靈帝宏繼立

解瀆亭侯初嗣封

歷代世系紀年編

六翠琅玕館校刊

會祖河間桓同出

於桓為姪昭穆通

建寧熹平光和後

終改中平美號崇

二十二年詳記載

中子獻帝朝王公

初封陳留王名協

董卓立之逞奸雄

前制於卓後曹操

三十一載虛名隆

初平建平再易號

建安三改誠何庸

復改延康僅十月

禪於曹魏漢祚終

沖殤質桓統四絕

旁支入繼承大宗

兩漢合年四百十

總括世數傳童蒙

三國

漢末海內沸羣雄

三分割據成鼎足

曰曹曰孫號魏吳

帝肖昭烈王於蜀

六十甲子恰一周

蜀最先亡魏吳覆

漢惟二帝四十三

魏有五君四十六

歷代世系紀年編

七五 琅玕館校刊

江南吳朝亦四主

五十九年宗社哭

獻帝禪魏歲庚子

明年辛丑先主繼

先主諱備景帝裔

中山王後生於涿

建安之末王漢中

漢亡繼統人心服

建元章武僅三載

諡曰昭烈天不祿

後主諱禪嗣帝位

元曰建興新耳聾

延熙景耀復炎興

主昏臣庸勢自蹙

歲在癸未四十年

為魏滅之漢社屋

魏之曹氏出譙郡

操父曰嵩言氏族

或云本是夏侯子

中官曹騰勤鞠育

操不自帝侯子丕

萬古奸雄此其獨

丕為文帝受漢禪

歲在庚子建黃蠹

紀元黃初僭七年

其子曹叡嗣偽服

叡為明帝十三載

太和青龍景初屬

歷代世系紀年編

八翠琅玕館校刊

叡子繼位名曰芳

歷年十四臣民矚

正始嘉平兩紀號

廢為齊王遭斥逐

髦為丕孫叡弟子

高貴鄉公食天祿

司馬師廢其主芳

乃復立髦從人欲

正元甘露六年君

師弟昭弒何慘酷

昭立元帝其名喚

燕王宇子芳從叔

初為景元後咸熙

六年禪晉魏祀斷

癸未滅漢方二載

乙酉魏亡如報復

長沙太守曰孫堅

漢末起兵誅董卓

長子為策仲為權

命世英才皆卓犖

堅死策天權繼起

建國曰吳拒魏蜀

昭烈章武歲壬寅

建元黃武改正朔

黃龍嘉禾赤烏繼

太元神鳳改號數

三十一年諡大帝

子亮繼之父子續

歷代世系紀年編

九翠琅玕館校刊

六年始號紀建興

五鳳太平次第錄

孫綝廢亮更立休

於亮為兄稱手足

永安一號紀六年

諡曰景帝耐昭穆

繼者曰皓父曰和

權之太子被廢逐

元年甲申號元興

明年晉武朝列服

甘露寶鼎又建衡

鳳皇天冊天璽續

終於天紀八改元

十七年中肆其欲

庚子晉兵飛渡江

一片降帆滅何速

是為三國各爭雄

自帝其號書簡牘

溫公通鑑帝曹魏

綱目正統歸於蜀

本諸春秋為特筆

附紀於末童蒙讀

兩晉

晉之司馬本河內

武帝創業開皇圖

惠懷愍帝稱西晉

東晉元明成康俱

歷代世系紀年編

十翠琅玕館校刊

穆哀之後海西公

簡文孝武安恭祖

西晉四帝五十二

東晉十一百四書

兩晉一百五十六

一十五帝宗社墟

武帝父昭祖曰懿

世竊魏政久覬覦

帝諱曰炎襲父爵

晉王受禪臨寰區

建元秦始復咸寧

太康改號因平吳

終曰太熙合廿六

廟號世祖鴻名殊

太子名表為惠帝

在位十七何蠢愚

永熙永平偕元康

永康永寧太安俱

甲子一年三改號

永安建武永興殊

是歲劉淵始僭號

從此雲擾分五胡

合以光熙為十號

食餅中毒嗟崩殂

懷帝名熾惠帝弟

永嘉六年名空虛

五年劉聰已執去

一年無主徒紛如

歷代世系紀年編

上海琅玕館校刊

次年正月帝遇害

姪秦王瑛承前模

秦王亦是武帝孫

父孝王晏封於吳

元為建興歷四歲

長安兵破降匈奴

劉聰後復賊害之

諡曰愍帝良可吁

起於癸酉終丙子

四帝五十二載除

東晉中宗元帝睿

龔封琅邪族屬疏

帝祖名伯懿之子

武帝之叔前分符



劉聰殺掠武帝絕

帝為從姪承鴻圖

元曰建武稱晉王

明年愍帝傳云祖

太興改元正帝位

永昌三號六年居

傅子明帝諱曰紹

三年太寧號不殊

廟稱肅宗傅子衍

咸和咸康兩號書

在位十七諡成帝

廟號曰顯傳方興

成帝母弟康帝岳

無嗣繼統乘乾樞

歷代世系紀年編

士翠琅玕館校刊

建元之號僅二載

太子穆帝方幼孤

穆帝名(冊)稱孝宗

二歲踐祚太后扶

永和之後紀升平

兩元十七童謠符

穆帝之兄哀帝(丕)

隆和興寧四年殂

無子母弟帝(奕)立

太和六年臨朝除

桓溫廢為海西公

更立簡文暹好圖

是為(太宗)名曰昱

元帝少子藩王居

咸安建號歲未周

孝武繼立統方隅

孝武名曜簡文子

宣康又改太元書

二十四年終遇弑

廟曰烈宗母乃誣

子名德宗為安帝

隆安乃是紀元初

元興義熙復兩易

歷年廿二元三殊

劉裕弑之立帝弟

是日德文應讖符

元熙二年夏六月

裕復廢帝零陵居

歷代世系紀年編

三翠琅玕館校刊

尋加弑害諡曰恭

兩晉始終聊紀諸

十六國

附西燕代

五胡雲擾亂中夏

匈奴錫氏羌鮮卑

紛紛僭竊十六國

迭乘名號相盛衰

五涼四燕與二趙

三秦蜀夏名可推

五涼前後西南北

四燕前後南北該

前趙本漢後趙石

三秦前後西相排

蜀本曰成改曰漢

更紀一夏數始賅

亂始晉惠永興元

宋文元嘉十六灰

兩周甲子終己卯

一百三十六年灾

劉淵本是匈奴種

僭稱漢王元元熙

復改永鳳僭帝號

終曰河瑞七年期

偽諡光文號高祖

子聰嗣立臨羣黎

在位九年元四易

光興嘉平建元隨

歷代世系紀年編

十四翠琅玕館校刊

更爲麟嘉諡昭武

廟曰烈宗將誰欺

聰子名粲元漢昌

靳準族之無子遺

淵之族子其名曜

起兵誅準恣凶威

改元光初國號趙

十有二年石勒夷

前趙四主二十六

起於甲子己丑移

晉之惠帝永興元

成帝咸和四載期

錫種石勒本無姓

上黨武鄉出最微

太興二年歲己卯

建國曰趙置官司

但稱元年不紀號

十年戊子乃建之

元曰太和又建平

前後十五歲序移

廟為高祖諡曰明

其子石弘席其資

繼立二年延熙號

石虎滅之空涕洟

石虎乃勒之從子

建武太寧兩號施

歷年十五號太祖

偽諡曰武徇其私

歷代世系紀年編

五翠琅玕館校刊

虎死己酉夏四月

子世道鑿亂交馳

石遵殺世鑿殺遵

鑿元青龍閔殺之

石閔之姓本為冉

虎之養孫性恣睢

改趙為魏復冉姓

元曰永興二載期

前燕滅之歲壬子

晉穆永和八年時

後燕五主分二姓

二十四年逞淫威

四燕三為慕容氏

鮮卑之種出昌黎

慕容皝僭燕王號

咸康二年成帝時

稱王十二子偽龔

繼立三載滅趙歸

僭卽帝位號元璽

復改光壽十二期

偽諡景昭號烈祖

子暉繼之元建熙

十有一年苻秦滅

是為前燕名可稽

三主三十有四載

太和五年晉海西

後燕世祖諡成武

慕容皝子名曰垂

歷代世系紀年編

上海圖書館校刊

前燕太和庚午亡

後燕太元甲申基

中間相距十四載

此是前後興亡期

垂稱燕王甲申歲

丙戌僭帝改元施

元日建興合十三

太元丙申垂死時

子寶嗣位元永康

三年蘭汗起殺之

寶子盛誅汗繼立

諡寶曰愍烈宗祠

元日建平復長樂

四年被弑於段璣

號曰中宗諡昭武

繼者垂子名曰熙

元為光始建始號

七年高雲又殺之

偽諡熙曰昭文帝

義熙丁未滅無遺

慕容四主三見殺

二十四年疾於飛

高雲本為熙養子

殺熙自立乘其危

元曰正始僭二載

其下賊之相報施

馮跋據國諡惠懿

跋為北燕別紀之

歷代世系紀年編

七翠琅玕館校刊

後燕甲申訖己酉

二姓二十六年期

別有西燕慕容永

與垂同起甲申時

前燕慕容暉弟泓

元曰燕興僭一期

明年乙酉一歲丙

首慕容冲繼段隨

慕容更有顓瑤忠

六人疊殺無移時

永乃繼起元中興

九年僭號垂滅之

合於燕興為十年

是曰西燕附於垂

北燕馮跋出長樂

與弟弘仕慕容熙

高雲既殺跋繼起

復襲燕號都昌黎

元曰太平在己酉

晉之安帝義熙時

二十二年號太祖

諡曰文成弘繼之

建元太興閱六年

為魏所滅奔高麗

宋文元嘉丙子歲

兄弟二主廿八期

弘死偽諡曰昭成

北燕歷年史書題

歷代世系紀年編

大翠琅玕館校刊

南燕之主慕容德

皝之少子兄曰垂

隆安戊戌僭王位

改元建平庚子期

在位八年諡獻武

號曰世宗稱開基

德之兄子超繼位

太上改元遵前規

六年劉裕執之死

歲在庚戌晉滅之

二主一十有三載

四燕之錄止於斯

前秦苻氏起苻健

其種本為略陽氏

晉穆永和歲辛亥

建國曰秦稱始基

元為皇始僭五年

諡曰明帝高祖祠

子生繼立壽光號

三年苻堅廢而屍

堅為苻健弟之子

二十九年霸業垂

永興甘露建元號

姚秦敗之執以歸

廟曰世祖宣昭諡

子哀平帝為苻丕

改元太安立二載

晉朝誅之皇威馳

歷代世系紀年編

五翠琅玕館校刊

苻登繼立號太宗

堅之族孫眾所推

元曰太初立九年

復為姚秦所誅夷

偽諡曰高子崇繼

延初改號國已危

未幾兵敗崇出奔

西秦殺之秦祀移

歲在甲午晉孝武

太元十九當是期

秦之六主五見殺

四十四年當記之

赤亭之羌曰姚氏

太元九年起西陲



諡曰武昭名曰萇

後秦建國始於茲

光稱秦王號白雀

繼僭帝號建初垂

在位十年廟太祖

子興皇初弘始隨

二十三年號高祖

諡曰文桓弘繼之

永和建元僅二載

劉裕滅之後秦權

三主合年三十四

甲申丁巳始終推

蜀之僭竊起李特

其種實人居巴西

歷代世系紀年編

王翠琅玕館校刊

晉惠太安歲癸亥

特最先反招流移

元為建初晉斬首

其子李雄繼領之

改元建興僭王位

復改晏平更綱維

建國曰成僭帝號

王衡之元終改之

三十一年偽諡武

號曰太宗空名垂

子期繼元曰玉恆

在位三年壽廢之

壽為李特之弟子

諡曰昭文六年期

改元漢興國號漢

甲宗之號臣民施

子勢僭號立四年

太和嘉寧元兩題

桓溫執之歸於晉

永和丁未蜀亂夷

四十五年書蜀錄

五主僭竊事可稽

五胡僭稱皇王號

前涼獨守人臣儀

晉惠永寧辛酉歲

張軌出刺涼州時

軌為安定烏氏人

遠祖張耳世可推

歷代世系紀年編

世翠琅玕館校刊

拜箭西平涼州牧

賜諡武穆史冊輝

子孫相繼襲公位

稟晉正朔遵皇威

軌死子寔領州事

愍帝建興甲戌期

太興庚辰卒於位

諡曰元公存有司

寔弟曰茂繼為牧

太寧甲申姪嗣之

駿為寔子嗣世職

二十三載秉旌麾

諡曰忠成晉所賜

傳子重華忘前規

重華自稱假涼王

建元永樂行恣睢

在位八年歲癸丑

賜諡敬烈王命貽

重華兄祚殺其子

祚自繼立肆其威

元曰和平僭王位

三年國人共殺之

更立玄靚重華子

復奉晉朔民所衣

九年為叔天錫害

賜諡敬悼良可哀

天錫代立歲癸亥

十有四年秦執之

歷代世系紀年編

世翠琅开館校刊

是為孝武太元元

歲在丙子終於斯

自軌傳世凡八主

七十六年張氏擢

後涼呂光亦氏種

世居略陽多雄姿

復據涼州張軌地

太元丙戌孝武時

僭位十四改元三

太安麟嘉與龍飛

偽諡懿武號太祖

庶長子纂承其基

改元咸寧立二載

呂超殺之陳其尸

超立其兄曰呂隆

神鼎建元三年期

姚秦滅之歲癸卯

十有八年三主夷

南涼禿髮起自北

種為河西之鮮卑

其先北魏與同出

烏孤僭立晉安時

隆安丁酉號太初

三年稱王曰武威

偽諡武王廟烈祖

弟利鹿孤據其資

元曰建和亦三載

更改王號為河西

歷代世系紀年編

世翠琅玕館校刊

諡之曰康僂檀立

利鹿孤弟國內推

弘昌嘉平元爾紀

在位十三西秦夷

諡曰景王傳三主

十有八年終始期

始於丁酉終甲寅

義熙十年事可稽

盧水之胡沮渠氏

蒙遜起晉安帝時

南涼是年亦同起

先推段業創其基

改元神璽復天璽

四年蒙遜乃殺之

蒙遜自立元永安

立始承立義和隋

三十三年蒙遜死

武宣之諡宋之貽

廟曰太祖子繼立

子名茂虔席父資

改元永和立七載

北魏滅之國分披

三主二姓四十年

歲值丙子元嘉時

紛紛僭偽滅亡盡

北涼之亡取後期

西涼昭武王李暠

隴西成紀族望馳

歷代世系紀年編

甘肅環珮館校刊

隆安四載稱涼公

元曰庚子紀干支

復改建初十八年

太祖廟號何魏巍

子歆嗣立元嘉興

四年北涼執殺之

眾共立暠少子恂

改元永建二年期

北涼攻之恂自殺

辛酉宋武永初時

父子合年二十二

二世三主雄河西

歆子重耳後歸魏

子孫世有功名垂

唐高重耳五世孫

溯厥本原近可追

西秦乞伏鮮卑種

其先分部居隴西

國仁起當晉孝武

乙酉太元十年時

號稱單于元建義

四年開國立其規

廟稱烈祖宣烈王

國人推立弟乾歸

乾歸在位廿五年

太初更始兩紀之

偽諡武元廟高祖

子熾盤嗣統師師

歷代世系紀年編

荃翠琅玕館校刊

初元永康繼建弘

兩號十有七年期

廟曰太祖諡文帝

子名暮末繼襲之

永弘改元立四載

夏人執之其族夷

是為辛未歲元嘉

西秦四十七年灰

夏人赫連劉淵族

勃勃初起晉義熙

歲在丁未稱夏王

龍昇初元鳳翔隨

昌武真興元四改

十有九年窮兵威

武烈偽諡廟世祖

子昌四年魏執之

元曰承光傳弟定

元為勝光四載期

定復為魏執而亡

夏與西秦同其時

二十五年傳三主

十六僭國備於斯

北魏之初國曰代

什翼犍起成帝時

咸康四年歲戊戌

初稱代王立新基

元曰建國三十九

苻秦滅之奔流離

歷代世系紀年編

其翠琅玕館校刊

當晉孝武歲丙子

太元元年時可稽

更闕十年曰丙戌

其孫道武起北陲

追尊高祖昭成帝

北魏之先附記之

前趙與夏匈奴種

南涼西秦燕鮮卑

後趙為羯後秦羌

前秦後涼皆為氐

巴賈曰蜀北涼胡

五胡分種蒙當知

前西二涼與北燕

中土之人乘亂離

古來僭竊無過此

其間頭緒亂如絲

宋齊梁陳 後梁附

東晉渡江都建業

從此始分南北朝

庚申宋武始篡晉

陳亡己酉同風飄

三周甲子少十載

一百七十紀斗杓

四朝三姓廿四主

宋為劉氏齊梁蕭

陳之國號同國姓

各有載記舊史標

歷代世系紀年編

廿翠珉珩館校刊

劉宋八主年六十

蕭齊七君廿四昭

梁祚四主五十六

陳年卅三五君消

宋始武帝暨少文

孝武子業明帝朝

後廢帝終順帝

八主次第綱有條

始於庚申訖己未

恰周花甲如崇朝

高祖武帝諱曰裕

彭城出自楚王交

仕晉封宋始建國

永初始號朝羣僚



三年崩逝傳少帝

名曰義符昏而驕

元稱景平方二載

廢弑要自權奸操

別立義隆武三子

諡曰文帝太祖召

元嘉一號三十載

元凶弑逆千古標

孝武謹駙文帝子

廟曰世祖鴻名高

孝建再易大明號

十有一年旰與宵

永光景和子業號

一年被弑殃自招

歷代世系紀年編

其翠琅玕館校刊

孝武之弟明帝暕

元曰泰始羣侯朝

後改泰豫合八載

太宗之號虛名昭

子昱嬖人李氏子

元徽繼統五年遙

齊高弑之立順帝

明帝之子方垂髻

帝名為準昇明號

三年神器歸齊高

高武鬱林與海陵

明帝東昏和七朝

是為蕭齊之世次

二十四載國祚搖

高帝道成廟太祖

蘭陵系本鄼侯蕭

己未纂宋國曰齊

元為建元四載勞

世祖武帝其諱

高之長子永明標

歷年十一太孫繼

名曰昭業心悞叔

隆昌半載蕭鸞弒

追廢鬱林同於赦

更立其弟曰昭文

延興三月室名晷

鸞復廢為海陵王

一弒一廢輕於毛

歷代世系紀年編

堯翠琅玕館校刊

鸞竟自立曰明帝

高之兄子承宗祧

甲戌一歲三易主

置君兒戲同投梟

廟曰高宗歷年五

建武永泰兩元標

太子寶卷立無道

三年永元亂紛撓

蕭衍追廢為東昏

羣小賊之割以刀

永元三年歲辛巳

寶融中興開新朝

是為和帝寶卷弟

蕭衍立之權獨操

明年壬午梁受禪

始終廿四如飛燹

齊之七君三遇殺

齊祀忽諸嗟弁髦

梁武簡文與元敬

五十六年歷四朝

武帝諱衍齊同出

齊高族子昭穆遙

壬午篡齊元天監

普通大通元再昭

中大通後大同接

中大同後太清標

四十八年號高祖

臺城餓死真無聊

歷代世系紀年編

三才環珩館校刊

太子名綱簡文帝

元曰大寶賊勢滔

二年侯景賊殺之

廟稱太宗空崇褒

世祖元帝武七子

湘東王繹擁旗旄

太清之末景肆逆

困逼武帝恣魚休

起兵江陵討逆賊

三年誅景人民騷

就於江陵正大位

改元承聖臨臣僚

三年甲戌魏師入

執而殺之空悲號

敬帝方智元幼子

陳武立之招羣豪

江陵已破入建業

建元紹泰垂裳朝

復改太平合三載

丁丑禪陳梁祚消

梁惟四君武餓死

三主不保領與腰

魏破江陵立蕭簪

武帝之孫奉梁祧

是曰後梁一州地

曰歸曰琮三世遙

大定天保廣運號

三十四載徵入朝

歷代世系紀年編

卅翠琅玕館校刊

起於甲戌終丁未

撮記大概誠寥寥

陳始武帝繼文帝

臨海宣帝後主朝

三十三年隋滅之

南朝四代煙雲飄

武帝霸先廟高祖

陳氏世為吳興豪

丁丑繼梁元永定

三年朝綱帝獨操

兄子文帝舊繼立

天嘉紀後天康標

七年廟號曰世祖

太子伯宗繼統昭

是時宣帝項專政

改元光大權旁撓

二年廢之王臨海

項自篡立臣其曹

項稱高宗文之弟

太建十四臣民朝

傳子叔寶曰後主

荒淫縱志耽醇醪

至德復易禎明號

七年己酉王氣銷

四朝遞嬗年世促

牢記甲子相傳鈔

北魏

歷代世系紀年編

世翠琅玕館校刊

北魏拓跋起自北

漢將李陵是其先

是為北朝首道武

明元太武兼南安

文成獻文孝文繼

宣武孝明孝莊連

前廢後廢與出帝

一十三主次第傳

始於丙戌盡甲寅

一百四十有九年

開國當晉之孝武

太元十一書諸編

梁武中大通六載

魏分東西各紀焉

東魏孝靜十七載

西魏三主廿四年

西魏之亡後七歲

丁丑陳武永定元

合年一百七十二

十有七主魏祚顛

道武諱珪廟太祖

初稱代王登國元

改元皇始正大位

天興天賜兩號全

二十四年清河弒

太子諱嗣諡明元

永興神瑞泰常繼

廟號太宗十五年

歷代世系紀年編

世翠琅玕館校刊

庚申泰常之五載

宋武受禪晉室遷

傳子世祖太武帝

帝諱曰壽總大權

初元首紀始光號

神麋延和與太延

太平真君元五易

終曰正平六紀年

歷祚二十有九載

宗愛弒之立南安

南安王余太武子

賊愛立之圖自完

改元永平立九月

愛復弒之罪滔天

高宗文成帝諱浚

太武嫡孫正統傳

收捕逆黨踐阼立

興安興光繼太安

和平四號十四載

傳太子弘朝千官

是為顯祖獻文帝

初紀年號曰天安

皇興改元合六載

禪位太子希神仙

稱號上皇又六歲

馮后弑之恣其奸

太子曰宏號高祖

諡曰孝文廿九年

歷代世系紀年編

苗翠琅玕館校刊

延興承明太和號

遷都洛陽改姓元

太和三載歲己未

齊高革命初承乾

繼統宣武世宗恪

景明首紀庚辰元

三年壬午梁受禪

齊梁興廢如循環

景明又改正始號

永平延昌十六年

子曰肅宗孝明詡

太后胡氏臨前軒

熙平神龜正光後

孝昌武泰書聯翩

歷年十三胡氏弒

爾朱榮兵入帝關

榮立敬宗孝莊帝

名曰子攸臣元元

初封長樂彭城子

獻文之孫彥支傳

孝莊卽位元建義

尋更易號曰永安

二年爾朱兆弒之

更立長廣虛名懸

長廣王曄尋又廢

廣陵王恭親而賢

恭父羽爲獻文子

普泰紀元僅二年

歷代世系紀年編

世翠琅玕館校刊

高歡號爲前廢帝

節閔之諡宇文傳

普泰元年歲辛亥

後廢帝助中興元

魏之疏屬歡所立

明年壬子歡廢焉

復立出帝修爲主

孝文之孫承其先

太昌永興永熙號

一歲之內三紀元

三年甲寅高歡反

帝走西奔入長安

歡立孝靜帝善見

是爲東魏歡操權



天平首號繼元象

興和武定十七年

高歡之子高洋篡

乃復廢之王中山

東魏之亡歲庚午

梁簡文帝大寶元

出帝西歸宇文泰

泰尋弒之空播遷

別立寶炬稱西魏

歲在乙卯大統年

祖為孝文京兆子

十有七載諡曰元

子欽繼立壬申歲

三年甲戌廢而顛

歷代世系紀年編

世六翠琅玕館校刊

是年更立其弟廓

丁丑四載周篡焉

尋復弒之諡恭帝

三主二廢真堪憐

西魏歷年二十四

後於東魏僅七年

惟欽與廓無紀號

魏之始終其記旃

北齊周隋

魏分東西各自帝

高氏宇文分而剖

高齊六主起庚午

周有五君自丁丑

齊祚廿八周廿五

隋之楊氏承周後

隋始文帝繼煬恭

三十八年南面后

齊周同時繼以隋

六十九年牢記守

自從三分南北朝

四海分爭迭相蹂

魏文篡漢起庚子

隋文一統在己酉

其間甲子幾乘除

歷年三百六十九

齊之高氏首文宣

廢帝孝昭武成后

歷代世系紀年編

世翠琅玕館校刊

後主幼主合六君

二十八年執而走

文宣名洋廟顯祖

勃海蓀人高隱後

或云本是鮮卑種

其父高歡起廝走

東魏孝靜十七年

歲在庚午篡而取

建元天保僭天位

八年梁陳初授受

十年其子高殷繼

是為廢帝同土偶

乾明改元僅八月

孝昭廢之如拉朽

李昭名演武成漢

又宣之弟遞為后

演既廢殷改皇建

明年遽死立不久

武成繼位號世祖

太寧河清兩元偶

五年禪位於子緯

是曰後主天統首

武平隆化十三年

周師圍鄴潰不守

傳位幼主名曰恆

改元承光虜之走

齊之六主廿八年

始於庚午終丁酉

歷代世系紀年編

世翠琅玕館校刊

周之國姓曰宇文

其先出自匈奴後

孝閔明帝武宣靜

二十五年五主守

孝閔名覺篡西魏

本於父泰由來久

元年丁丑同陳武

未及紀元遭毒手

世宗明帝其名毓

泰之長子嗣為后

在位四年元武成

其弟曰邕繼其後

邕為高祖諡武帝

歷年十八保定首

天和建德復宣政

子宣帝覺不克負

大成大象歷年四

隋文睥睨亦已久

傳子靜帝其名闡

元年大定歲辛丑

其年二月禪於隋

周宗既滅誰之咎

隋文名堅號高祖

弘農楊氏伯起後

子孫仕魏家武川

父忠封隋襲龜紐

辛丑篡周元開皇

己酉平陳有九有

歷代世系紀年編

堯翠琅玕館校刊

復改仁壽二十四

子廣弑之萬古醜

廣為煬帝元大業

十有三年亂紛糶

南遊江都亦被弑

父子凶終天假手

唐高起兵入長安

立其子侑在丁丑

改元義寧僅二載

戊寅禪唐下殿走

諡曰恭帝合三主

三十八年隋無後

唐

繼隋者唐姓李氏

其先李暉為西涼

太祖名虎稱柱國

有功周室封於唐

其孫神堯為高祖

稱兵誅暴起晉陽

仍其舊號大一統

傳世二十歷祚長

高祖太宗高中睿

元宗肅代德順皇

憲穆敬文武宣懿

僖昭昭宣篡朱梁

歷年二百八十九

戊寅建元丙寅亡

歷代世系紀年編

早翠環珎館校刊

高祖諱淵元武德

九年禪位稱上皇

太宗世民繼統立

貞觀廿三帝業昌

高宗名治首庚戌

三十四載總乾綱

永徽顯慶繼龍朔

麟德乾封與總章

咸亨上元儀鳳接

調露永隆開耀詳

永淳弘道各一載

改元十四稱天皇

傳位太子中宗哲

元年嗣聖虛名揚

母后武氏謀稱制

二月廢為廬陵王

佯立少子豫王旦

文明改元徒誇張

其秋九月改光宅

更易官制紊典章

甲申之歲元三易

更號垂拱繼永昌

載初尋復為天授

篡唐為周廢豫王

如意長壽延載後

證聖天冊萬歲揚

萬歲登封登嶽改

萬歲通天享明堂

歷代世系紀年編

四翠琅玕館校刊

明年更易神功號

聖歷久視期無疆

大足尋易曰長安

乙巳正月徙上陽

武氏僭號廿一載

改國建號十五霜

中宗復位僅六載

神龍景龍兩號詳

庚戌六月韋后弒

元宗平亂尊父皇

中宗之弟睿宗(旦)

初封豫王後相王

元年庚戌景雲號

壬子太極延和謹

禪位元宗諱隆基

更改先天新四方

明年癸丑開元始

二十九年綱紀張

天寶十五祿山反

肅宗即位起朔方

其年七月改至德

乾元上元寶應詳

肅宗名亨在位七

皇太子豫嗣為皇

是為代宗元廣德

永泰大曆三改張

歷年十七傳子适

德宗建中新號揚

歷代世系紀年編

四翠琅玕館校刊

興元貞元再易號

二十五年君萬方

貞元乙酉帝晏駕

太子名誦坐明堂

順宗永貞僅八月

憲宗元和十五詳

憲宗諱純順宗子

中官弑之良可傷

穆宗長慶止六載

敬宗寶歷二載戕

穆宗名恆敬名湛

憲之子孫祚不長

文宗武宗皆敬弟

宣宗憲子叔父行

文宗大和開成號

合年十四同孱王

文宗名漚是武

武宗六年號會昌

宣宗本是光王忱

大中十三稱小康

懿宗名漼宣太子

元為咸通十四詳

傳子僖宗名儼

乾符廣明兩號揚

中和光啟復文德

十五年中五改張

兄終弟及昭宗傑

龍紀紀元初年綱

歷代世系紀年編

四翠琅玕館校刊

大順景福乾寧後

光化天復天祐詳

在位十六朱溫弒

立太子祝昭宣皇

仍稱天祐不改號

三年丙寅篡於梁

有唐一代紀終始

五季迭亂分搶攘

五代

唐末五代互劫奪

朝初開國夕已更

曰梁曰唐晉漢周

五十四年兵戈爭



五朝八姓十三主

丁卯始亂庚申平

梁朝二主十七年

朱溫篡唐歲在丁

朱溫本是黃巢賊

宋州碭山無賴氓

賜名全忠改名晃

盜據大寶惡貫盈

開平乾化合六載

其子友珪賊以兵

號曰太祖名虛美

子末帝立名友貞

仍稱乾化不改號

更名曰瑱元貞明

歷代世子系紀年編

四翠瓊玕館校刊

復改龍德十一載

癸未自殺梁室傾

後唐莊宗名存勛

其種沙陀出北庭

本姓朱邪唐賜姓

竊據晉陽恣憑陵

癸未僭位元同光

滅梁之後心驕矜

四年伶人賊殺之

明宗繼統元天成

明宗胡人本無姓

李氏養之賜姓名

初名嗣源改名亶

復改元號曰長興

八年閔帝從厚繼

改元應順虛名稱

二月潞王從珂反

出奔被廢尋遭刑

從珂明宗之養子

本為王氏握大兵

篡立三年元清泰

是為廢帝名可徵

唐之四主分三姓

歷年十四空崢嶸

石晉高祖沙陀種

敬瑭石姓亦無徵

丙申起兵於晉陽

滅唐卻藉契丹兵

歷代世系紀年編

四五翠琅玕館校刊

契丹立之以為帝

天福紀號七年薨

兄子出帝曰重貴

元曰開運四年稱

丙午契丹兵入洛

執去挾之以北行

十有一年傳二主

惟漢接晉非交爭

後漢高祖為劉氏

沙陀別種知遠名

丙午晉主既北去

丁未稱帝晉陽城

元仍天福國曰漢

明年元改乾祐稱

更復改其名曰高

正月遽死國未寧

其子承祐為隱帝

三年乾祐名相仍

郭威起兵漢主殺

二主四年良可於

周之太祖曰郭威

邢州堯山勃焉興

辛亥滅漢即帝位

建國曰周正大名

廣順顯德兩元紀

四年嗣主曰柴榮

是為世宗柴氏子

五年顯德仍舊稱

歷代世系紀年編

吳翠琅珩館校刊

子名宗訓諡恭帝

庚申正月禪代行

十年二姓傳三主

起於辛歲終於庚

五十四年閱五代

歸於宋祖歌昇平

唐末十國

唐末藩鎮據一方

十國稱強差可紀

吳為楊氏前蜀王

後蜀曰孟南唐李

閩之王氏又改殷

南漢東漢皆劉氏

南平之高吳越錢

與楚馬殷奉朝旨

始於唐昭景福元

宋世興國四年已

首尾八十有八年

更歷七朝亂方止

吳之楊氏首行密

初入淮南歲王子

天復二年封吳王

子渥嗣之四年耳

渥弟隆演復繼位

朱梁開平戊辰始

三世稱唐天祐號

歲在己卯僭元紀

歷代世系紀年編

聖翠環珩館校刊

元曰武義又二年

隆演十四年而止

諡曰宣王傳弟位

弟溥繼之在辛巳

改元順義稱吳王

丁亥僭帝元重起

乾貞大和復天祚

終於丁酉國祚圯

合十七年禪南唐

偽諡睿王名空美

楊家二世傳四主

四十六年如彈指

南唐李昇始徐姓

是為徐溫之養子

初名知誥受吳禪

丁酉之歲建元始

建國曰齊號昇元

更改曰唐復姓李

在位七年號烈祖

子璟嗣之歲在癸

初元保大十五年

中興交泰復兩紀

交泰元年歲戊午

周師南下臨江涘

奉表稱臣去帝號

三年庚申宋祖起

明年璟死傳子煜

號璟元宗擬天子

歷代世系紀年編

吳翠琅珩館校刊

煜既嗣位奉宋朔

十有五年宋師徙

江南開國三十九

三主世數止於此

前蜀王建據成都

僭帝與梁同歲起

初元武成國號蜀

永平通正兩元紀

改國曰漢天漢元

明年復號蜀為理

元曰光天合十二

高祖之號子所擬

子衍嗣位歷七年

乾德咸康兩元耳

同光乙酉唐滅之

兩主合十九年已

前蜀之亡又九年

甲午後蜀孟氏起

知祥僭號僅一年

元曰明德高祖祀

子昶仍稱明德號

改爲廣政戊戌始

廣政廿三值庚申

宋祖受命朝同軌

在位三十有一年

宋師滅之疾於矢

甲午稱元乙丑亡

三十二年事具史

歷代世系紀年編

兜翠琅玕館校刊

南漢劉龔據廣州

自其父兄已雄視

龔初名儼又名陟

丁丑紀元乾亨始

復曰白龍與大有

二十六年夸而侈

號曰高祖子玠立

改元光天二年止

弟晟殺之諡曰殤

晟號中宗繼而起

應乾乾和兩改元

十有六年立綱紀

子鋹大寶起戊午

庚申宋祖臨朝理

歲在辛未十四年

銀降於宋盡室徙

五十五年阼取長

紛紛僭國無過此

閩之亂師王審知

本起盜賊初經理

審知次子名曰鱗

建元龍啟歲癸巳

復曰永和合三年

子昶弒之賊內起

號為太宗昶自立

通文三年殺而死

昶稱康宗叔曦繼

六年之號永隆紀

歷代世系紀年編

五翠琅玕館校刊

曦號景宗亦見殺

三主無有善終美

曦之永隆癸卯歲

曦弟延政建州起

改閩為殷天德元

四年南唐襲而圯

閩之僭位十四年

癸巳丙午數終始

東漢劉晏守太原

漢高知遠同母弟

周之廣順元辛亥

卽位仍以乾祐紀

四年子承鈞繼立

改元天會當丁巳

天會四年乃庚申

周鼎既遷宋祚始

在位一十有三年

養子繼元承宗祀

改元廣運十二載

繼元本為何氏子

太平興國之四年

已卯漢亡諸僭已

劉旻三主廿九年

較諸諸僭彼善此

楚之馬殷起乾寧

梁開平元封楚始

傅子希聲與希範

希廣希萼皆兄弟

歷代世系紀年編

五翠琅玕館校刊

南唐滅之在辛亥

四十五年數可紀

吳越錢氏據臨安

乾寧二年從鏐起

初封吳王進吳越

長興二年鏐始死

諡曰武肅元瓘立

元瓘乃鏐之長子

在位十年諡文穆

子佐六年傳於弟

佐諡忠獻弟俶繼

歲在戊申俶之始

太平興國戊寅夏

納土歸宋錢氏止



乾寧乙卯訖戊寅

八十四年紀終始

南平高氏曰季興

據有荆南數百里

梁之開平元丁卯

季興節度建牙始

貞明初封渤海王

諡為武信傳諸子

子曰從誨封南平

賜諡文獻奉朝旨

其子保融諡貞懿

宋祖建隆庚申死

其弟保勛子繼沖

各去王爵守臣軌

歷代世系紀年編

五三翠琅玕館校刊

乾德元年徵入朝

南平五十七年耳

維楚吳越與南平

猶奉正朔尊天子

錢氏僅傳寶正號

約略存疑五代史

宋

宋之太祖為趙氏

其先燕之涿郡人

受周之禪建號宋

合紀南北十八君

北首太祖太宗繼

真宗仁宗及英神

哲與徽欽合九

百六十七而分

南宋高孝光宣理

度恭端兮帝昺淪

九主百五十三載

南北三百二十春

太祖匡胤號藝祖

元年建隆值庚申

乾德開寶合十七

授弟太宗敦天倫

太宗光義改名昞

繼統之日即改元

太平興國崇美號

雍熙端拱淳化循

歷代世系紀年編

五三翠琅玕館校刊

後復改號曰至道

二十二載臨臣民

眞宗名恆繼統立

咸平復改景德新

太中祥符三易號

天禧乾興廿五春

仁宗諱禎元天聖

明道景祐繼寶元

康定慶厯與皇祐

至和嘉祐改頻頻

四十一年十改號

傳位乃是眞宗孫

是爲英宗濮王子

元年治平歲甲辰

初名宗實改諱

享祚四載棄萬民

太子神宗頊嗣立

熙寧元豐兩改元

歷年十八哲宗繼

元祐紹聖元符陳

御名曰煦十五載

徽宗名佶實弟昆

建中靖國為首紀

崇寧大觀更號新

政和重和宣和繼

二十五年主德昏

金人圍汴傳於子

欽宗靖康桓為君

歷代世系紀年編

西翠琅玕館校刊

明年二帝金虜去

歲在丁未建炎春

建炎高宗構之號

徽宗之子初南奔

定都錢唐曰南宋

建炎紹興開乾坤

三十六年禪帝位

孝宗太祖六世孫

秀王偁子名曰昀

高宗擇立主器尊

隆興乾道淳熙繼

在位廿七稱賢君

傳子光宗紹熙號

五年臨朝諱曰惇

宣宗光子御名擴

在位三十首慶元

嘉泰開禧復嘉定

無嗣繼統理宗昀

理宗太祖十世裔

奸相矯立統臣鄰

四十年中改元八

寶慶紹定端平因

嘉熙淳祐相繼改

寶祐開慶景定新

傳位度宗名曰禛

初封忠王嗣為君

理宗母弟與芮子

十年在位曰咸淳

歷代世系紀年編

五翠琅玕館校刊

恭宗名昀元德祐

二年丙子降於元

丙子五月端宗昀

建號景炎於七閩

昀為昀兄弟曰昀

弟昀繼立三年春

改元祥興僅二載

正月兵潰沈海濱

三君皆是度宗子

昀昀紀號空名存

西夏

宋世西夏李元昊

先世竊據西北境

元昊僭帝號景宗

傳世十主專其政

景毅惠崇仁桓襄

神獻南平十世罄

起於仁宗明道元

理宗寶慶三年竟

壬申為始丁亥終

一百九十六年定

元昊之先本拓跋

有功於唐賜國姓

其父德明祖繼遷

叛服不常邊鄙病

仁宗初元曰明道

避諱更以顯道令

歷代世系紀年編

五翠琅玕館校刊

自此國內迭更元

開運廣運與大慶

大慶改元僭帝位

仁宗寶元丁丑正

天授禮法延祚號

六字為元古無證

僭號十年廟景宗

其子諒祚主國柄

延嗣寧國紀初元

尋復改天祐垂聖

福聖承道三易元

鞏都拱化兩元竟

二十年中元五改

號曰毅宗母乃佞

惠宗秉常元乾道

改天賜禮盛國慶

大安之後又改元

末號為天安禮定

始終四號十九年

子名乾順繼嗣正

天儀治平首元紀

天祐民安繼所命

永安貞觀與雍寧

元德正德迭相更

正德元年為丁未

宋高南渡金人橫

復改大德元八紀

崇宗五十三年竟

歷代世系紀年編

五七翠琅軒館校刊

其子仁宗名仁孝

元曰大慶與人慶

天盛又改為乾祐

五十四年南面聽

傳子純祐號桓宗

在位十三元天慶

崇宗之孫曰安全

廢而殺之自為政

是為襄宗立五年

應天皇建兩元並

神宗遵頊本宗室

繼而自立元光定

十有二年傳於子

名曰德旺元乾定

四年而死稱獻宗

南平王暉專國命

嗣位二年不紀元

元人滅之西夏罄

遼附西遼

遼本契丹東胡種

崛起者曰阿保機

其姓耶律其名億

是為太祖初開基

太祖太宗世穆景

聖興道與天祚夷

九主二百十九載

起於朱溫終宋徽

歷代世系紀年編

天翠琅玕館校刊

太祖元年歲丁卯

朱梁開平初元時

丙子建號曰神冊

天贊天顯兩號隨

歷年二十太宗繼

名曰德元主羣夷

天顯仍稱太祖號

改元會同已十碁

末年始建國曰遼

大同之元當此時

在位二十有一載

世宗名阮乃嗣之

世宗德光之兄子

天祿一號五年垂

在位遇弒遭內亂

太宗長子誅其魁

是為穆宗名曰瑒

建元應歷辛亥期

十年太歲值庚申

藝祖建宋開國時

十有九年亦遇弒

景宗嗣位起誅之

景宗名賢世宗子

保寧乾亨兩元施

保寧八年歲丙子

宋之太宗更綱維

歷祚二十傳其子

聖宗隆緒承丕基

歷代世系紀年編

五翠琅玕館校刊

四十九年歷數長

統和之號初年垂

統和十六宋眞立

開泰太平兩繼之

太平三年歲癸亥

宋之仁宗御極時

子曰興宗耶律眞

建元景福改重熙

二十四年嗣位立

傳子道宗諱洪基

初元清寧歲乙未

甲辰宋英承統時

乙巳更改為咸雍

咸雍四年宋神期



復改大康與大安

三年宋哲臨萬幾

終曰壽隆四十七

其孫天祚帝延禧

元年辛巳號乾統

宋徽之元亦與齊

改元天慶在辛卯

乙未阿骨打起期

又改保大合廿五

宋人金人共滅之

歲在乙巳遼國亡

明年丙午宋室移

宋人滅遼為得計

豈知金虜更猖披

歷代世系紀年編

李翠琅珩館校刊

耶律大石為西遼

起於保大四年時

大石太祖八世孫

遼亡出奔無所歸

西行萬里起兒漫

甲辰建號於荒夷

延慶康國紀兩元

僭即帝位十二期

號曰德宗子方幼

其妻塔不煙攝之

咸清改元閱七載

其子夷列嗣其基

元為紹興號仁宗

十有三年數可稽

子幼其妹普速完

改元崇禎權國維

十有四年歸國政

直魯古立元天禧

三十四年因出獵

乃蠻擒之西遼摧

起於徽宗宣和六

終於宣宗嘉泰時

甲辰僭帝訖辛酉

五主七十八年期

西遼荒漫事無紀

史載世次聊識之

金

歷代世系紀年編

六翠琅玕館校刊

金之本號曰女直

其種靺鞨居於東

完顏本為部落號

因以為姓前無蹤

太祖太宗熙海陵

世章衛王宣哀終

九主歷年百二十

起宋徽宗終理宗

太祖完顏阿骨打

其名為曷起虜中

徽宗政和之五年

歲在乙未僭號雄

元曰收國與天輔

九年繼者為太宗

其名爲歲太祖弟

建元天會十三終

天會五年歲丁未

宋高南渡興江東

太祖嫡孫熙宗實

天眷皇統兩元同

歷年十五遭亮弑

亮太祖孫狡而兇

亮自篡立三改元

天德貞元復正隆

在位十三眾殺之

廢爲庶人海陵封

繼統亦爲太祖孫

廟曰世宗名曰雍

歷代世系紀年編

三翠琅玕館校刊

大定一號二十九

三年南朝起孝宗

太孫名璿元明昌

元年庚戌宋光同

宋之宣宗起乙卯

明昌六載初元終

繼曰承安終泰和

十有九年廟章宗

衛王永濟世宗子

章宗叔父屬序崇

大安崇慶至宣號

紀元三改五年中

其下賊之宣宗立

諡之曰紹復本封

章宗之兄諱曰珣

是為宣宗嗣九重

改元貞祐又興定

元光三號十一終

傳子哀宗曰守緒

初元正大甲申逢

乙酉宋之理宗立

開興天興兩元終

在位十一國勢蹙

為元所滅金祚恫

南朝端平元甲午

兩周甲子天數窮

元

歷代世系紀年編

宣翠環珩館校刊

有元之姓奇渥溫

其起本是蒙古部

滅金平宋混六合

創業開基數世祖

世成武仁英泰定

明文宣順帝十主

一統傳祚九十年

己卯戊申年可數

世祖之祖鐵木真

開禧二年起北土

是為太祖始丙寅

五十四年歷五主

世祖名曰忽必烈

元年庚申繩祖武

初稱中統閱四載

至元改號甲子數

辛未建國號曰元

己卯宋亡莅中土

歷年三十有五載

十有六年中華主

皇孫成宗鐵木爾

元貞大德兩元舉

十有三年兄子繼

諱曰海山廟號武

至大一元立四載

繼者仁宗帝同父

愛育黎拔力八達

仁宗之名史可觀

歷代世系紀年編

奇翠琅玕館校刊

皇慶延祐合十年

太子英宗臨寰宇

碩德八剌乃帝諱

至治三載遭逆豎

世祖之孫泰定帝

初封晉王英從祖

名曰也孫鐵木兒

泰定致和在位五

帝崩無諡以元稱

圖帖睦爾攘而取

是為文宗武次子

舉兵江陵向宮府

文宗之兄和世疎

尋亦稱帝於蕃部

佯爲迎之讓以位

中道暴崩禍胡楚

號爲明宗不紀元

文宗天曆至順五

明宗次子曰宣宗

懿璘質班繼統序

二月而殂亦無元

其兄順帝愚而魯

名曰安權帖木爾

初元元統新聞觀

至元至正兩改元

三十六年萬方苦

明師北伐下幽燕

走於沙漠歸故土

歷代世系紀年編

五翠環 卮館校刊

明

明祖朱氏興濠州

元末羣生遭鼎鑊

振臂一呼萬方應

靜謐寰區清沙漠

太祖建文成祖文

仁昭宣章英睿作

景帝憲純孝宗敬

武毅世肅穆莊著

神顯光貞熹哲隨

莊烈愍帝明祚削

二百七十七春秋

一十六帝史昭灼

太祖高帝諱元璋

戊申正位南郊恪

洪武建元三十載

南都孝陵誠宰峇

皇孫允收元建文

五年繼統柔而弱

燕兵南來自焚死

無諡無封同冥漢

成祖諱棣封燕王

起兵奪嫡天倫薄

高之庶子篡大統

二十二年元永樂

諡曰文皇陵曰長

仁宗昭帝高熾作

歷代世系紀年編

去翠琅玕館校刊

洪熙一載悶獻陵

宣宗瞻基元良託

十年宣德諡為章

景陵廟號嚴嘗祈

太子祁鎮為睿帝

丙辰正統新元焯

十有四年歲己巳

萬乘親征為虜擢

皇帝祁鈺主國事

改元景泰籌民瘼

睿帝南歸稱上皇

南宮七年嗟寂寞

景帝不豫復正位

元年歲在赤奮若

元爲天順廟英宗

復辟八年臣民託

兩登宸極古所無

合廿二年裕陵崇

茂陵憲宗諱見深

成化紀元歲作噩

二十三年諡曰純

孝宗敬皇臨朝恪

御諱祐弘治元

泰陵十八武宗作

武爲毅帝諱厚照

十六正德改遊樂

康陵無嗣肅皇繼

世宗厚熈承洪略

歷代世系紀年編

奎翠琅玕館校刊

憲宗之孫興王子

武之從弟嗣王爵

嘉靖建元四十五

永陵一朝刑政錯

繼統穆宗諱載厚

隆慶六年丕基薄

昭陵之諡諡曰莊

神宗翊鈞冲齡弱

元曰萬曆祚取長

四十八年乃殂落

諡稱顯皇號定陵

光宗貞帝名常洛

泰昌慶陵僅逾月

熹宗德陵主畫諾



御名(由)核天啟元

七年民社罹閻虐

諡之曰哲皇帝嗣

信王(由)檢除元惡

歷年十七號崇禎

甲申流賊焚城郭

身殉社稷自縊崩

莊烈愍帝諡不忤

由漢訖明幾甲子

千八百五記載博

笑余儉腹空無記

紀年世系陳其略

欲窮得失興亡事

請問通儒與博學

歷代世系紀年編

六翠琅玕館校刊

不然試看臨了語

無聊出韻資大噓

右歷代世系紀年編 國朝沈炳震撰案炳震字東甫  
歸安人是書所紀國號年代姓氏廟諱世及帝王兄弟  
母后臣子姓名自西漢至明齊其句讀協以音韻使童  
蒙誦習於歷代世系了然胸次斯編向未刊行庚辰秋  
同邑李仲約學士出寫本示余因得假歸影一千部不  
脛而走尙恐傳之弗廣也復付諸劖劂氏以供同好俾  
家有其書爲讀史者之津梁云爾

光緒十四年六月十日順德馮兆年跋

歷代世系紀年編跋

一翠琅玕館校刊



07132

